



Broj: 01/1-50-1-1-79/09
Sarajevo, 28.9. 2009. godine

Z A P I S N I K

79. sjednice Ustavnopravne komisije

Sjednica je održana 28. 9. 2009., s početkom u 10 sati.

Sjednici su prisustvovali članovi Komisije: Šefik Džaferović, Halid Genjac, Adem Huskić, Velimir Jukić, Lazar Prodanović, Drago Kalabić, Ekrem Ajanović, Martin Raguž i Momčilo Novaković.

Osim članova Komisije, sjednici su prisustvovali predstavnici: Ministarstva pravde BiH Fazila Musić, Milana Popadić, Srđan Arnaut i Bojan Ninković, Pravobranilaštva BiH Medina Vilić i Safija Kreštalica, iz Zakonodavno-pravnog sektora PSBiH Aida Kreho i Alma Salkić-Mijić te iz Sektora za odnose s javnošću PSBiH Medina Delalić.

Sjednici su prisustvovali sekretar Komisije Igor Bajić i stručni savjetnik u Komisiji Nedžad Salman.

Predsjedavajući je otvorio raspravu o dnevnom redu u kojoj su učestvovali članovi Komisije: Momčilo Novaković, Ekrem Ajanović, Drago Kalabić, Halid Genjac i Velimir Jukić.

Nakon rasprave, predsjedavajući je dao pauzu u trajanju od deset minuta.

Nakon pauze, predsjedavajući je predložio, a Komisija jednoglasno prihvatila, da se s dnevnog reda skinu oni zakoni za koje nije istekao poslovnički rok za podnošenje amandmana, te da se ti zakoni razmatraju na sljedećoj sjednici Ustavnopravne komisije koja će biti održana u srijedu, 30.9.2009., u 8 sati.

Nakon rasprave, Komisija je jednoglasno usvojila sljedeći

D N E V N I R E D

1. Usvajanje Zapisnika 78. sjednice, održane 14.9.2009.;
2. Prijedlog zakona o izmjenama i dopunama Zakona o upravi, predlažak: Vijeće ministara BiH (**usklađenost sa Ustavom BiH, pravnim sistemom BiH i principi, u skladu s čl. 103. i 104. Poslovnika Doma**);
3. Prijedlog zakona o izmjenama i dopunama Zakona o krivičnom postupku BiH, predlažak: Vijeće ministara BiH (**usklađenost sa Ustavom BiH, pravnim sistemom BiH i principi, u skladu s čl. 103. i 104. Poslovnika Doma**);
4. Prijedlog zakona o izmjenama i dopunama Zakona o ministarstvima i drugim organima uprave BiH, predlažak: Vijeće ministara BiH sa Zaključkom Doma sa 60. Sjednice, održane 16.9.2009. (**usklađenost sa Ustavom BiH, pravnim sistemom BiH i principi, u skladu s članom 103. i 104. Poslovnika Doma**);
5. Prijedlog zakona o dopuni Zakona o službenom glasilu BiH, predlažak: poslanik Adem Huskić (**postupak u nadležnoj komisiji u skladu s članom 110. Poslovnika Doma**);
6. Prijedlog zakona o primjeni Rimskog statuta Međunarodnog krivičnog suda i saradnji s Međunarodnim krivičnim sudom, predlažak: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
7. Prijedlog zakona o izmjenama i dopunama Zakona o Pravobranilaštvu BiH, predlažak: Vijeće ministara BiH (**postupak u nadležnoj komisiji u skladu s članom 110. Poslovnika Doma**).

Ad.1. Usvajanje Zapisnika 78. sjednice, održane 14. 9. 2009.

S obzirom da nije bilo rasprave, Komisija je jednoglasno usvojila Zapisnik 78. sjednice.

Ad.2. Prijedlog zakona o izmjenama i dopunama Zakona o upravi, predlađač: Vijeće ministara BiH (usklađenost sa Ustavom BiH, pravnim sistemom BiH i principi, u skladu s čl. 103. i 104. Poslovnika Doma)

Komisija je nakon rasprave jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija jednoglasno je podržala principe Prijedloga zakona o izmjenama i dopunama Zakona o upravi.

Ad.3. Prijedlog zakona o izmjenama i dopunama Zakona o krivičnom postupku BiH, predlađač: Vijeće ministara BiH (usklađenost sa Ustavom BiH, pravnim sistemom BiH i principi u skladu s čl. 103. i 104. Poslovnika Doma)

Komisija je, nakon rasprave, sa sedam glasova „za“, bez glasova „protiv“ i jednim „suzdržanim“ glasom, utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija je, sa šest glasova „za“, bez glasova „protiv“ i dva „suzdržan“ glasa, podržala principe Prijedloga zakona o izmjenama i dopunama Zakona o krivičnom postupku BiH.

Ad.4. Prijedlog zakona o izmjenama i dopunama Zakona o ministarstvima i drugim organima uprave BiH, predlađač: Vijeće ministara BiH sa Zaključkom Doma sa 60. Sjednice, održane 16.9.2009. (usklađenost sa Ustavom BiH, pravnim sistemom BiH i principi, u skladu s čl. 103. i 104. Poslovnika Doma)

Komisija je, nakon rasprave, jednoglasno utvrdila:

- da postoji valjan ustavnopravni osnov za donošenje ovog zakona;
- da je Prijedlog zakona usklađen sa Ustavom BiH i pravnim sistemom BiH.

Ustavnopravna komisija je, s pet glasova „za“, četiri glasa „protiv“ i bez „suzdržanih“ glasova, podržala principe Prijedloga zakona o izmjenama i dopunama Zakona o ministarstvima i drugim organima uprave BiH.

**Ad.5. Prijedlog zakona o dopuni Zakona o službenom glasilu BiH, predlagač:
poslanik Adem Huskić (postupak u nadležnoj komisiji u skladu s članom 110. Poslovnika Doma)**

Komisija je, nakon rasprave, jednoglasno:

- prihvatila tekst Prijedloga zakona o dopuni Zakona o službenom glasilu BiH i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

Ad.6. Prijedlog zakona o primjeni Rimskog statuta Međunarodnog krivičnog suda i saradnji

s Međunarodnim krivičnim sudom, predlagač: Vijeće ministara BiH

(postupak u nadležnoj komisiji u skladu s članom 110. Poslovnika Doma)

Komisija je, nakon rasprave, jednoglasno:

- prihvatila tekst Prijedlog zakona o primjeni Rimskog statuta Međunarodnog krivičnog suda i saradnji s Međunarodnim krivičnim sudom i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

Ad.7. Prijedlog zakona o izmjenama i dopunama Zakona o Pravobranilaštvu BiH

predlagač: Vijeće ministara BiH (postupak u nadležnoj komisiji u skladu s članom 110.

Poslovnika Doma)

Predsjedavajući je otvorio raspravu u kojoj su učestvovali članovi Komisije: Velimir Jukić, Adem Huskić, Momčilo Novaković, Martin Raguž, Drago Kalabić, Šefik Džaferović i predstavnik Ministarstva pravde BiH Srđan Arnaut.

Na Prijedlog zakona amandmane su uložili poslanici Velimir Jukić i Adem Huskić:

Nakon rasprave, poslanik Velimir Jukić povukao je svoj Amandman I. a poslanik Adem Huskić Amandman III.

Ustavnopravna komisija je nakon toga jednoglasno usvojila Amandman I. poslanika Adema Huskića koji glasi:

Amandman I.

U Prijedlogu zakona o izmjenama i dopunama Zakona o Pravobranilaštvu Bosne i Hercegovine član 1. briše se.

Ustavnopravna komisija jednoglasno usvojila izmijenjeni Amandman II. poslanika Adema Huskića koji glasi:

Amandman II.

Član 2. Prijedloga zakona o izmjenama i dopunama Zakona o Pravobranilaštvu Bosne i Hercegovine postaje član I. i glasi:

"U Zakonu o Pravobranilaštvu Bosne i Hercegovine ("Službeni glasnik BiH", br. 08/02, 10/02 i 44/04) u članu 3. u stavu (1) riječi: "deset godina" mijenjaju se riječima: „osam godina nakon položenog pravosudnog ispita".

U stavu (2) iza riječi: "pet godina" dodaju se riječi: "nakon položenog pravosudnog ispita".

Komisija je, nakon rasprave, jednoglasno:

- prihvatila tekst Prijedloga zakona o izmjenama i dopunama Zakona o Pravobranilaštvu BiH sa usvojenim amandmanima i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

Predsjedavajući je na kraju sjednice upoznao članove Komisije sa sadržajem pisma Misije OSCE-a u BiH u kojem se predlaže organiziranje radionice o autentičnom tumačenju zakona.

Komisija je razmatrala pismo Misije OSCE-a u BiH i jednoglasno usvojila sljedeće zaključke:

- Ustavnopravna komisija podržava inicijativu da se organizira radionica o temi autentičnih tumačenja propisa;
- Komisija je jako zahvalna na pomoći koju joj je Misija OSCE-a u BiH spremna pružiti;
- u organizaciji navedene radionice sarađivat će sekretarijat Ustavnopravne komisije s odgovarajućom službom Misije OSCE-a u BiH.

S obzirom da nije bilo više pitanja, sjednica je završena u 12 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović